



ŽIVOT SA DOWN SYNDROMOM

Udruženje za pomoć osobama sa Down syndromom

Adresa: Gabrijel Moreno Locatelli br. 25

Tel: +387 33 210 664, +387 61 901 540

Fax: +387 33 210 664

Web: www.downsy.ba

E-mail: info@downsy.ba

Izveštaj sa okruglog stola „**Podrška inkuzivnom obrazovanju-Asistenti u nastavi**“, koji je održan u okviru projekta „**Razvijanje sistema podrške u nastavi u osnovnim školama**“, u hotelu Evropa, 25.01.2011. godine.

Moderatorica okruglog stola: Binasa Goralija

Okruglom stolu je prisustvovalo više od **60 predstavnika/ca** Ministarstva obrazovanja i nauke KS, fakulteta, osnovnih škola, nevladinih organizacija, te predstavnici/ce donatorskih organizacija (Fondacija za socijalno uključivanje u BiH, Grad Sarajevo, Švicarska ambasada u BiH), te predstavnicima OSCE-a i Unicef-a u Bosni i Hercegovini. Okrugli sto je bio medijski zabilježen.

Uvodnom riječju prisutnima se obratila gospođa Sevdija Kujović, Predsjednica Udruženja „Život sa Down syndromom“, te kratko predstavila ciljeve projekta, aktivnosti i postignuća. U nastavku se skupu obratila gospođa Lamija Husić, savjetnica za predškolsko, osnovno i srednje obrazovanje Ministarstva obrazovanja i nauke KS i naglasila značaj projekta za razvoj pedagoških standarda, te podcrtala ulogu ministarstva u realizaciji projekta. Ispred donatora, skupu su se obratili gospođa Ranka Papić-Ninković direktorica Fondacije za socijalno uključivanje u BiH, Haris Lokvančić, predstavnik Švicarske Ambasade, te gospođa Dragana Solaković, ispred Gradske uprave grada Sarajeva. Svi su naglasili značaj koji projekat ima u razvoju inkluzivnog obrazovanja u Kantonu Sarajevo, te izrazili podršku za nastavak aktivnosti i čestitali na dosadašnjim rezultatima.

Učesnicima/učenicama se obratio prof. Uzeir Bavčić, dekan Pedagoškog fakulteta, te iznio značaj projekta na jačanju insitucionalnih kapaciteta, i razvoju inkluzije u Kantonu Sarajevo. Na kraju prvog dijela programa gospodin Bavčić i gospođa Kujović, dodijeli su certifikate asistenticama koje su učestvovala u provedbi projektnih aktivnosti.

U drugom dijelu okruglog stola učesnicima je prezentiran sadržaj vodiča za asistente, te otvorena diskusija o ponuđenim temama.

Doc. Lejla Karijašević je prisutnima predočila područja kojima se vodič bavi, a koja se kreću od terminologije, legislative, profila asistenata i kriterija za njihovo angažovanje, do uloge asistenata i njihove edukacije. Doc. Karijašević je posebno obrazložila potrebu za uvođenjem asistenata u redovnu nastavu, specifičnosti profila asistenata prema rezultatima provedene ankete, te pozvala na diskusiju o ulozi asistenta u nastavnom procesu.

Zaključci:

- **Nastaviti** sa realizacijom započetih aktivnosti i daljnjim angažiranjem asistanata u školama,
- **Jasno definirati potrebu za angažovanjem asistenta/asistentkinja** na nivou jednog odjeljenja unutar škole,
- **Redefinirati zadatke i ulogu** asistenta/asistentkinje, tako da nema preklapanja sa zadacima nastavnika/ce, te drugih stručnjaka,
- Rad asistenta/asistentkinje nije zamijena za edukacijsko-rehabilitacijsku podršku,
- **Profil asistenta/asistentkinje** će zavisiti od specifičnih potreba djeteta u nastavnom procesu,
- **Roditelji će insistirati na sistemskom rješavanju** pitanja podrške u nastavi kroz rad asistenata,
- **Inkluzivno obrazovanje** će biti jedan od pokazatelja uspješnosti u standardima za predškolsko i osnovno obrazovanje.

Vodič za asistente u nastavi preuzmite [ovdje](#)